

SIARAN SEGERA

PROGRAM KITAR3CYCLE, KITAR SEMULA ALAF BARU.

(Seremban, 08.04.19) SWM Environment Sdn Bhd (SWM Environment) meneruskan projek perintis KITAR3CYCLE di Taman Vision Home, Seremban 2 yang melibatkan penduduk taman tersebut mendaftar sebagai ahli KITAR3CYCLE bagi menikmati kelebihan mengasingkan barangan kitar semula disamping mengumpul mata ganjaran. Taman di dalam kawasan berpagar ini dipilih bagi melihat keberkesanan pelaksanaan program KITAR3CYCLE untuk kawasan taman perumahan tanpa sangkar kitar semula secara keseluruhannya.

“Kerja-kerja kutipan barangan kitar semula akan dilakukan pada setiap hari kutipan satu minggu sekali iaitu ketika kutipan barangan kitar semula, sisa taman dan pukal”, kata Pengurus Besar Hal Ehwal Korporat, Tuan Haji Mohd Norlisam Bin Haji Mohd Nordin.

Tambah beliau lagi, penduduk hanya perlu menampalkan pelekat kod bar di bungkusan barangan kitar semula dan meletakkannya di tepi tong sampah beroda pada hari kutipan satu minggu sekali iaitu ketika kutipan barangan kitar semula, sisa taman dan pukal sebelum jam 7:30 pagi bagi memastikan barangan yang dikumpulkan di hadapan rumah dapat dikutip pada hari telah ditetapkan. Bagi taman ini, kutipan dilaksanakan pada setiap hari Isnin.

Program yang julung kali diperkenalkan di kawasan perkhidmatan SWM Environment ini juga bertujuan menyelamatkan barangan yang boleh dikitar semula daripada terus dilupuskan ke tapak pelupusan sampah. Melalui program KITAR3CYCLE, setiap individu yang berjaya mendaftarkan diri sebagai ahli akan dibekalkan pelekat kod bar yang bertujuan untuk mengenal pasti data individu dan juga merekodkan nilai mata yang diperolehi. Melalui pemberian mata ganjaran terkumpul, kini individu atau isi rumah dapat memperoleh manfaat dari program KITAR3CYCLE anjuran SWM Environment.

Dalam konteks pembangunan tetapan aplikasi yang serba canggih ini, individu yang berdaftar disarankan untuk memuat turun aplikasi KITAR3CYCLE melalui sistem operasi Android juga iOS untuk menyemak mata ganjaran dan mengetahui nilai mata yang diperolehi setiap kali barangan kitar semula dikutip di premis

perumahan mereka sekaligus memberi pendedahan kepada isi rumah terbabit tentang jumlah janaan sampah yang dihasilkan oleh mereka hanya di hujung jari.

Untuk makluman, terdapat 35 barang dengan nilai mata yang berbeza yang boleh dikumpul dan ditukarkan melalui pelbagai cara, antaranya melalui pemindahan wang ringgit ke akaun bank individu atau aplikasi Boost. Melalui inisiatif ini juga, ia dapat menggalakkan orang ramai lebih menghargai barangan kitar semula yang mampu menjana pendapatan sampingan sekaligus menjimatkan penggunaan sumber-sumber semula jadi dalam pembuatan sesuatu produk.

Bagi menyemarakkan lagi program KITAR3CYCLE, pihak SWM Environment mengalu-alukan penglibatan taman-taman perumahan lain, badan-badan kerajaan, swasta dan organisasi bukan kerajaan (NGO) untuk bersama-sama terlibat dalam program KITAR3CYCLE yang bermanfaat kepada semua. Bagi sebarang pertanyaan, boleh menghubungi Encik Daniel Sahrill Bin Abdul Hadi, Eksekutif Kanan Jabatan Komunikasi Korporat SWM Environment di talian 019-202 4525 atau emel: daniel.sahrill@swmsb.com.

-TAMAT-

FAKTA

SWM ENVIRONMENT SDN BHD

SWM Environment Sdn Bhd. (SWM Environment) adalah syarikat konsesi yang diilantik oleh Kerajaan bagi mengendalikan Pengurusan Sisa Pepejal dan Pembersihan Awam bagi Zon Selatan Semenanjung Malaysia (Negeri Sembilan, Melaka dan Johor). SWM Environment memberikan perkhidmatan kepada lebih 5 juta isi rumah dengan tenaga kerja seramai kira-kira 8,000 orang dan mempunyai kenderaan serta jentera melebihi 1000 buah pelbagai jenis kegunaan. Sila layari laman web www.swm-environment.com untuk mendapatkan maklumat lanjut.

SEBARANG PERTANYAAN LANJUT BOLEH HUBUNGI JABATAN KOMUNIKASI KORPORAT, SWM ENVIRONMENT SDN BHD:

- Pn. Nurul Liza Mohd Najib, 012-684 7168
- Pn. Siti Mariam Aziz, 017-370 0204